

三界伏魔關帝忠孝護國翊運真經

爾昔

帝尊與諸大天尊及天龍鬼王暨諸大將軍同時集會觀見眾生億劫漂淪生死輪迴悲苦萬狀轉乖人道深爲可憫帝尊言原始人生未有端倪幻兮冥兮寂無朕兮自得二炁受精於父受胎於母拊循畜育教養獲成策命於君析圭擔爵乃爲成人汝等眾生若無二親何以成形若無君王何以貴顯如彼草木不灌不培何以生長如彼築室不增不壘何以成室如彼璞玉不雕不琢何以成玉如彼道德不顯不露孰爲文章爾等眾生或賤或貧或夭或亡或遭水火或斃雷擊或廢於疾病或死於

道藏輯要

關帝忠孝忠義經

卷

星集九

兵革或殍於飢荒或陷於罪罟或戕於猛獸或墮於地獄皆緣夙世悖倫亂紀大逆不道或罵父母或欺君長以是義故種種煩惱種種蝟襍曾爲逆報汝等眾生當鑑世苦敦修倫紀一者念罔極親恩等之天地二者念浩蕩君恩等之覆載三者念劬勞之苦撫字萬端四者念寵錫之隆喜逾百朋五者念式穀之訓期望惓惓六者念推轂之任戒畀殷殷七者念身體髮膚血脉流貫八者念股肱心膂誼同一體九者念身因親有捐體難報十者念顯因君來舍身莫酬不問貴賤不問賢愚咸有君親咸當忠孝汝等眾生或用色養或用物養或慷慨赴義或見危受命或靖共爾位或調和鼎鉉或侃侃盡瘁或停停物表或心

如金石或精忠貫日或塞外植節或抗志虜庭或鼎鑊不避或  
裹屍馬葬是等是人揚芳萬年生而不死死而不亡炳炳忠孝  
亘天不磨或命終時當爲天大元帥天大將軍天大神王永無  
輪迴永無百劫爾等眾生齋心靜慮焚香捧讀或口誦心維或  
作躬行是人若在貧賤當於貧賤爲之保護若在天亡當於天  
亡爲之保護若在水火當於水火爲之保護若在雷擊當於雷  
擊爲之保護若在疾病當於疾病爲之保護若在兵革當於兵  
革爲之保護若在飢荒當於飢荒爲之保護若在罪罟當於罪  
罟爲之保護若在猛獸當於猛獸爲之保護若在地獄當於地  
獄爲之保護所獲福聚無量無邊能於苦海千百億劫中拔濟

道藏輯要

關帝忠孝忠義經

卷

星集九

眾生真實不虛說是經義名曰忠孝而說偈云

忠孝立身本

卽此是修義

完全是行果

不實如禽獸

無量諸法門

悉惟一念起

遠離諸罪垢

從斯得解脫

爾時飛天神王及諸大將軍一切大眾聞說是經皆大歡喜稽  
首

帝尊奉辭而退

正一冲玄孚感靈章

伏魔關聖翻倒乾坤掌大之權真君之威呼吸雷霆撼動山川  
吾誓到處斷絕邪源刀持在手呼聖集仙敢有不至寸斬無原

雷霆速奔黃鉞鏖天汝負重誓律準 太玄

關帝伏魔護道彰感誓章

吾是天上靈掣風捉鬼神大刀兵百萬佐道輔天行正心行吾  
法吾必合汝心持心終始一吾必親現形由汝役使我變化如  
沙塵分身千百萬隨處救天民勤心奉吾者永結爲弟兄遣吾  
幹霖雨掣電轟雷霆遣吾誅妖孽斬頭滴血呈遣吾攝魂魄昇  
天人地等遣吾捉邪祟速縛來現形遣吾散禍難風火無暫停  
遣吾救疾病親爲五臟神三台調正氣萬病自安甯盡心皈我  
教衛法永隆興亥日是吾降香火宜精勤汝若負吾者風刀斬  
爾形我若負汝者永滅精氣神功成行滿日同步朝

道藏輯要

關帝忠孝忠義經

卷

星集九

上清急急如律令

心有天遊

室無空虛

心有畏敬

吉祥自生

作善修德

猶谷傳聲

忠義經序

關壽亭侯忠義經十九章皆侯自製也晉陳壽演俗通義似近  
鄙褻茲宋學士孫奭編述南渡中丞張守訂梓相傳五百餘年  
漫無可稽世人亦不知有是經也維侯忠義昭宇宙功烈垂史  
冊祠祀遍天下黃髮稚齒極海窮邊靡不崇重而侯之隨在著  
靈威英顯赫千載一日博幸生同侯鄉藉侯庇久嘉靖丙辰巡  
撫荆楚荆故侯保障區迄今家至左聯頂禮如在比還省辭

楚王殿下 王詢侯故里事復出忠義經示博拜賜踴躍若侯  
陟降也歸舟檢閱後先紊敘簡篇遺逸字畫錯亂差訛遂爲校  
定重錄首揭 侯像并述侯辭曹之書後人仰侯之贊策成一  
帙攜之京師繼役關中未遑鈔梓適都督劉顯移兵守川廣因  
以貽之俾刻荒鎮以作士氣以風忠義且播之天下瞻奉者有  
所持誦則傲云

兵部尙書蒲州楊博敘事

關聖帝君濟世消災集福忠義經

述志章第一

關聖帝曰吾本東漢解良居民黃巾作亂天下招兵觀勝涿郡

道藏輯要

關帝忠孝忠義經

卷

星集九

偶遇劉張桃園結義生死不忘吾習春秋吾知武藝始除黃巾  
三戰呂布許田射鹿投鼠忌器土基被困失散兄弟曹操奸雄  
奏封壽亭吾奉二嫂吾思兄弟誅良斬醜挂印辭曹霸陵橋上  
挑起錦袍吾宿義司明燭達旦獨行千里五關斬將吾斬蔡陽  
古城會敘後遇子龍周倉歸義冒雪隆中三顧臥龍義釋曹操  
恕斬黃忠領牧荆州勸農講學單刀赴會談笑自若赤壁鏖戰  
水滄七軍生擒龐德華夏威名初封前軍繼加五虎定鼎西川  
盪寇神武吾無所長惟持忠義扶漢誅奸死無畏避吾年近六  
有命在天視我赤心聽我微言爲子盡孝爲臣盡忠父慈母愛  
兄友弟恭夫婦倡隨朋友信義鄉鄰婢僕真誠和氣吾言淺近